



Broj: 01/2-04-3488-1/2023
Breza, 28.12.2023. godine

Na osnovu člana 64. stav 1. tačka b), člana 70. st. 1, 3. i 6. Zakona o javnim nabavkama Bosne i Hercegovine („Službeni glasnik BiH“, broj: 39/14 i 59/22) i člana 90. Zakona o javnim nabavkama BiH, člana 6. Pravilnika o postupku direktnog sporazuma za nabavku roba, usluga i radova u jedinstvenom organu uprave Općine Breza („Službeni glasnik Općine Breza“, broj: 4/15 i 4/16) na Preporuku Službe za privredu, u postupku javne nabavke direktnog sporazuma za nabavku usluga: „Edukacija članova Savjeta mjesnih zajednica iz oblasti MS Office paket“, a na osnovu Zahtjeva o pokretanju postupka javne nabavke (broj: 02/1-2-11-3553/2023 od 20.11.2023. godine) i člana 39. Statuta Općine Breza („Službeni glasnik Općine Breza“, broj: 7/21), Općinski načelnik,

d o n o s i

ODLUKU
o izboru najpovoljnijeg ponuđača
Direktni sporazum

Član 1.

Prihvata se ponuda za nabavku usluga: „Edukacija članova Savjeta mjesnih zajednica iz oblasti MS Office paket“ od ponuđača, Centar za edukaciju i istraživanje „Nahla“ Sarajevo, Džemala Bijedića 122 Sarajevo, ID broj: 4200561340009 (u daljem tekstu: Ponuđač).

Cijena nabavke u skladu sa ponudom broj: 511/23 od 19.12.2023. godine iznosi 2.200,00 KM, bez PDV-a, odnosno 2.574,00 KM, sa PDV-om.

Član 2.

Ugovorni organ neće zaključiti ugovor nego će se direktni sporazum smatrati zaključenim prilaganjem računa ili druge odgovarajuće dokumentacije.

Član 3.

Za izvršenje ove Odluke, u okviru svojih nadležnosti, zadužuju se i ovlašćuju Služba za finansije, inspeksijske poslove i opću upravu i Služba za privredu, koja je izvršila prethodno ispitivanje tržišta i ustanovila da ponuđena cijena odgovara tržišnoj cijeni.

Član 4

Ova Odluka stupa na snagu danom donošenja, objavit će se na web-stranici Općine Breza, www.breza.gov.ba, istovremeno s upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

U skladu sa čl.18 stav (3) Zakona o javnim nabavkama („Službeni glasnik BiH“, broj: 39/14 i 59/22) ugovorni organ ne donosi odluku ili rješenje o pokretanju postupka javne nabavke u pisanom obliku.

Javna nabavka je provedena putem direktnog sporazuma.

Procijenjena vrijednost javne nabavke usluga iznosi 2.400,00 KM, bez poreza na dodatnu vrijednost.

Postupak javne nabavke pokrenut je Zahtjevom za pokretanje postupka javne nabavke broj: 02/1-2-11-3553/2023 od 20.11.2023. godine.

Prijedlog za započinjanje postupka javne nabavke zasnovan je na Planu javnih nabavki Općine Breza za 2023. godinu i Izmjeni/dopuni Plana nabavki za 2023. godinu od 08.11.2023. godine – usluge pod rednim brojem 31, u skladu sa članom 17. stav (1) Zakona o javnim nabavkama („Službeni glasnik BiH,” broj: 39/14 i 59/22).

Kriterij za dodjelu ugovora je „najniža cijena.“

Služba za privredu je izvršila prethodno ispitivanje tržišta, na osnovu čega je dana 20.11.2023. godine pokrenuta nabavka Zahtjevom za pokretanje postupka javne nabavke: „Edukacija članova Savjeta mjesnih zajednica iz oblasti MS Office paket“, u skladu sa članom 14a. Zakona o javnim nabavkama.

Pismeni zahtjev upućen je ponuđačima: „MEGA COMPIJUTERS“, Biro za intelektualne usluge iz oblasti informatike Breza, Novo naselje Bate, ul. 7 mart, Breza; „ITD“ d.o.o. Sarajevo, Kolodvorska 12; „Imtec“ d.o.o. Sarajevo, ul. Bosanski put bb; „Facit“ d.o.o. Sarajevo, ul. Kasima Begića 23; „Centar za edukaciju i istraživanje „Nahla“ Sarajevo, ul. Džemala Bijedića 122.

Krajnji rok za prijem ponuda je utvrđen najkasnije do dana 28.11.2023. godine, na protokol Općine Breza, Bogumilska br.1. Breza, elektronski putem e-maila ili faksom.

U utvrđenom roku su pristigle dvije ponude, i to:

R.B	Naziv / ime ponuđača	Datum prijema	Broj ponude	Ukupna cijena bez PDV-a	PDV	Ukupna cijena sa PDV-om
1.	„ITD“ d.o.o. Sarajevo	27.11.2023	2411/23	2.700,00	159,00	3.159,00
2.	Centar za edukaciju i istraživanje „Nahla“ Sarajevo	27.11.2023	446/23	2.490,00	510,00	2.913,30

Služba za privredu je prilikom pregleda pristiglih ponuda ustanovila da su obje dostavljene ponude veće od procijenjene vrijednosti predmetne nabavke, te da je u ponudi dostavljenoj od strane ponuđača Centar za edukaciju i istraživanje „Nahla“ Sarajevo, u ANEKSU 2. Obrazac za cijenu ponude str. br. 1 stavka PDV 17 % uočena greška tehničke prirode, nakon čega je ponuđaču Centar za edukaciju i istraživanje „Nahla“ Sarajevo dostavljen zahtjev za ispravku cijena ponude, broj: 02/1-2-11-3553-2/23 od 11.12.2023. godine.

Centar za edukaciju i istraživanje „Nahla“ Sarajevo, je dana 11.12.2023. godine dostavila saglasnost za izmjenu navedene stavke, broj: 508/23 od 11.12.2023. godine, nakon čega se pristupilo proceduri pregovaranja.

Dana 18.12.2023. godine, putem e-maila pregovaralo se o cijeni sa ponuđačima Centar za edukaciju i istraživanje „Nahla“ Sarajevo i „ITD“ d.o.o. Sarajevo (u skladu sa Zakonom o javnim nabavkama, „Službeni Glasnik BiH“, broj 39/14 i 59/22 i članom 5.stav a) Pravilnika o postupku direktnog sporazuma, „Službeni glasnik BiH“, broj:90/14) Ponuđačima je ponuđeno da dostave ponudu koje će biti u okviru procijenjene vrijednosti.

Centar za edukaciju i istraživanje „Nahla“ Sarajevo je dana 19.12.2023. godine, dostavio novu ponudu broj: 511/23 koja je u okviru procijenjene vrijednosti i na osnovu koje je sačinjen Zapisnik i izvještaj sa pregovora broj: 02/1-2-11-3553-3/2023 od 22.12.2023. godine.

Ponuđač „ITD“ d.o.o. Sarajevo je dana 22.12.2023. godine dostavio odgovor da ne mogu ponuditi nižu cijenu od ranije navedene.

U fazi pregovaranja je pristigla jedna ponuda, i to:

R.B.	Naziv / ime ponuđača	Datum prijema	Broj ponude	Ukupna cijena bez PDV-a	PDV	Ukupna cijena sa popustom i PDV-om PDV
1.	Centar za edukaciju i istraživanje "Nahla" Sarajevo	19.12.2023	511/23	2.200,00	374,00	2.574,00

Služba za privredu je uzela u obzir faktore kao što su: cijena, količina, kvalitet i sl. te je izabran ponuđač na način koji garantuje najbolju razmjenu vrijednosti za novac.

Pri donošenju Odluke, Općinski načelnik, se posebno rukovodio činjenicom, da je realno procijenjena njena vrijednost na tržištu, da su osigurana sredstva za isplatu i predložena odgovarajuća vrsta postupka.

Općinski načelnik, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Službe za privredu.

Naime, u postupku je ocijenjeno da je Služba za privredu u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Pri donošenju Odluke, Općinski načelnik, se posebno rukovodio činjenicom, da je realno procijenjena njena vrijednost na tržištu, da su osigurana sredstva za isplatu i predložena odgovarajuća vrsta postupka.

Primjenom člana 64. stav 1. tačka b) Zakona o javnim nabavkama Bosne i Hercegovine, te člana 6. Pravilnika o postupku direktnog sporazuma za nabavku roba, usluga i radova u jedinstvenom organu uprave Općine Breza („Službeni glasnik Općine Breza“, broj: 4/15 i 4/16), odlučeno je kao u dispozitivu.

POUKA O PRAVNOM LIJEKU

U skladu sa članom 101. stav (6) Zakona o javnim nabavkama u postupku direktnog sporazuma, žalba nije dopuštena.

Prilog: Obavještenje

Predlagač: Služba za privredu, Salih Hasanspahić

Obrađivač: Jasmina Došlić

Dostavljeno:

OPĆINSKI NAČELNIK

1x Centar za edukaciju i istraživanje "Nahla" Sarajevo

1x „ITD“ d.o.o. Sarajevo

1x Služba za privredu

1x Služba za finansije, inspekcijske poslove

i opću upravu

1x web stranica

1x Evidencija

1x a/a.

Vedad Jusić